

Hordaland fylkeskommune
Postboks 7900
5020 Bergen
hfk@hfk.no

8. desember 2015

**ENGESUND FISKEOPPDRETT AS. SØKNAD OM PERMANENT DRIFT OG
UTVIDING FRÅ 780 TONN MTB TIL 1560 TONN MTB PÅ LOKALITET NR 30196
ÅDNEKVAMME I MASFJORDEN KOMMUNE.**

Engesund Fiskeoppdrett AS har mellombels løyve på lokalitet Ådnekvamme fram til 31.12.16 for ein MTB på 780 tonn for løyve nr HFJ 0010. Det vert søkt om eit permanent løyve og ei utviding av anlegget til 1560 tonn MTB innafor område AK 11 som i Masfjorden kommune sin kommuneplan 2012 – 2024 er regulert for akvakultur.

Engesund Fiskeoppdrett AS fekk frå Fiskeridirektoratet 7. september 2015 melding om endeleg tilsagn om grønt løyve i gruppe C. Tilsagn om løyve gjev rett til å søke om lokalitet for ein MTB på 780 tonn, og ein søker no om samlokalisering på lokaliteten Ådnekvamme og utviding til 1560 tonn MTB.

Engesund Fiskeoppdrett AS har fått tildelt tilsegn om grønt konsesjon dagsett 4. juli 2014 der me har fått følgjande krav til drift:

Løysingar for å redusere risiko for påverknad av vill laksefisk som følgje av rømming:

- Bruk av lukka, flytande betonganlegg for oppdrett av postsmolt til 400 – 1000 gram
- Bruk av ”miljønot”
- Høg bemanning på anlegget

Løysingar for å avgrense påslag/hindre spreining av lakselus:

- Bruk av lukka, flytande betonganlegg for oppdrett av postsmolt til 400 – 1000 gram
- Bruk av luseskjørt
- Bruk av rensefisk i form av oppdretta rognkjeks
- Bruk av funksjonelt fôr

Desse krava er sett ut frå vesentleg reduksjon i risiko for rømming og dermed og redusert påverknad på ville populasjonar av laksefisk. Krava er og sett ut frå at ein i denne typen anlegg heile tida skal kunne ha færre enn 0,1 vaksne holus av lakselus i gjennomsnitt pr fisk, mens krava til dagens drift i oppdrettsnæringa er færre enn 0,5 vaksne holus i gjennomsnitt pr fisk.

Konsekvensen av desse krava er og at ved samdrift med dagens konsesjon (akvakulturløyve HFJ 10) på lokaliteten Ådnekvamme, så skal denne også driftast etter krava sett til grønt løyve.

Den omsøkte lokaliteten er vist på vedlagte utsnitt av sjøkart og andre kartvedlegg i rapporten til Rådgivende Biologer AS (rapport nr 2161). Anlegget legg opp til ei miljøvenleg drift, med god plass til fisken i anlegget og bruk av nøter utan koparimpregnering.

Rådgivende Biologer AS har på oppdrag frå oss gjennomført ei vurdering av den omsøkte oppdrettslokaliteten basert på kartstudiar, tidlegare strømmålingar, miljøgranskingar og kjennskap til tilsvarande oppdrettslokalitetar. I rapport 2161 føreligg det ei område- og lokalitetsskildring med verdivurdering og vurdering av verknader og konsekvensar ved ei utviding basert på undersøkingar på og rundt lokaliteten og i resipienten. Det også er lagt ved ei skisse med tekstdel som viser plasseringa av omsøkte anlegg med fortøyingar (målestokk ca 1:10.800) og skisse av anlegget (målestokk ca 1:1000).

Det er ikkje gjort nye strømmålingar eller botngransking på den nye lokaliteten då det omsøkte anlegget ligg i nær avstand til dagens anlegg med om lag tilsvarande straumtilhøve. Dette er og avklart med Hordaland Fylkeskommune. Det er og i 2014 utført resipientgransking utanfor Ådnekvamme, som syner gode miljøtilhøve i resipienten.

Me vonar på ei snarleg og positiv handsaming av denne søknaden.

Vedlagt følgjer for lokaliteten ved Ådnekvamme:

- Utfylt søknadsskjema
- kvittering for betalt gebyr for utviding av lokalitets MTB-en på Ådnekvamme (Kr 12 000)
- rapport nr 2000: MOM C - gransking ved lokaliteten Ådnekvamme i Masfjorden kommune
- tilsegn grønt løyve i gruppe C dagsett 4. juli 2014

I rapport nr 2161 frå Rådgivende Biologer AS som gjelder utvidingssøknaden så finn ein:

- område- og lokalitetsskildring
- djupnetilhøve i sjøområdet på og rundt lokaliteten
- vurdering av verknader og konsekvensar
- plassering av anlegget med fortøyningsplan (M= ca 1 : 10 800)
- dokumentasjon av anlegg
- skisse av anlegget (M= ca 1 : 1 000)
- beredskapsplanar for anlegget

Ein har ikkje lagt ved:

- Konsekvensutredning, då den omsøkte MTB er på 1560 tonn, og anlegget vil liggje innafor område avsett til akvakultur

Når det gjeld behovet for KU i denne konkrete saka, meiner vi at denne saka er tilstrekkeleg opplyst og ikkje treng noko vidare konsekvensutgreiing. I høve til Forskrift om konsekvensutredningar for tiltak etter sektorlover av 1. januar 2015 er det omsøkte tiltaket eit Vedlegg II tiltak som skal handsamast etter § 3 i nemnde forskrift. I høve til § 3 i forskrifta kan ansvarleg mynde krevje at tiltakshavar bidreg med naudsynte opplysningar før søknaden vert sendt på høyring dersom ansvarleg mynde meiner at søknaden ikkje gjev eit

tilfredsstillande grunnlag for å vurdere om tiltaket kan få vesentlege verknader. Ved dette høvet stettar søknaden dei krav som gjeld for søknader om oppdrettslokalitetar i sjø, den omsøkte lokalitets MTB-en er relativt låg, og verksemda skal samla drivast i samsvar med krava til grønt løyve i gruppe C. Det er soleis lite truleg at dette omsøkte tiltaket kan få vesentlege verknader på miljø, biologisk mangfald og samfunn, og me vurderer det slik at denne saka treng ikkje noko ytterlegare konsekvensutgreiing.

Med den omsøkte lokaliseringa av anlegget på lokaliteten, viser denne søknaden med den vedlagte dokumentasjonen at lokaliteten vil vere godt eigna til fiskeoppdrett.

Me vonar på ei snarleg handsaming av Engesund Fiskeoppdrett AS sin søknad.

Med venleg helsing

for Engesund Fiskeoppdrett AS



Svein Eivind Gilje